

Swnjcienz Yisuz Betyaem Bouxcuengh Cauxguh Binjbaiz Vwnzva Minzczuz

传承壮族八音艺术 打造民族文化品牌

□ Banh Hau



▲ Sing loxlez hung gokgug ndeidingq.

▲ Betyaem baez yiengj, saeh-anez lienzdaemh.

◀ Vwnzva fungsug betyaem yinxvunz raeuh.



▲ “Ram giuhva” biujyienj caen yinxvunz.



▲ Mwh boqyienj raen bonjsaeh ak.



▲ Youq lajmbanj seiqseiz raen doih betyaem bohyyienj.



▲ Betyaem cap rag ndaw-biengz daih cienz daih.

Youq Namzningz Si Yunghningz Gih, doenghgiy hozdung angqhoh lumjbaenz aebawx haqsau、hoh souhyienz、ranzmoq guhbaenz、coux-hek haenx, cungj miz ban betyaem boq dwk boksad dem angqyangz. Bi 2006, Betyaem Bouxcuengh Yunghningz ndaej lied haeuj Guengsae buek daih’it feihvuzciz vwnzva yizcanj mingzloeg, Yungzningz Gih bi 2009 youq Bujmyau Cin Liengzsin Cunh laebbaenz le dieggoek swnjcienz baujhoh betyaem Bouxcuengh. Daj bi 2010 gvaqdaeu, Yunghningz Gih moix bi cungj banh ciet lijyouz vwnzva betyaem Bouxcuengh, yinx geij fanh hekyouz ndaw gih rog gih bae yawjgonz cetyouz. Aen hanghmoeg feihvuzciz vwnzva yizcanj baengh “boq” okdaeu neix, baenz le aen binjbaiz vwnzva minzczuz gig mizmingz ndeu.

Betyaem Bouxcuengh Yunghningz cienz daengz seizneix gaenq miz baenz bak bi lizsij, gvaqlaeng riengz giy heiqban Heiqbegvah dox-caeh haeuj Guengsae daeu yienj-heiq, betyaem Bouxcuengh Yunghningz caemh youq gwnz goekdaej boqboq ndaekndaek miz daegsaek minzczuz caeuq fungsug ndawbiengz de, supsou aeu giindei yinyoz Guengdoeng, cugciemh gyoebbaenz “betyaem Bouxcuengh Yunghningz” gig miz daegsaek Bouxcuengh haenx, caemhcai youq ndaw diegguenj Yunghningz hwnghoengh roengzdaeu. Gij yozdui betyaem Bouxcuengh Yunghningz dwg youz loxlez hung、loxlez iq、digfouzcongh、ngeihyienz、Cinzgimz、gyong、laz、nauz caeuq gyongrwi doenghgiy neix gyoebbaenz. Boqyienj seiz faen ciengzfaenz caeuq ciengzfoux, betyaem ciengzfoux caenh cij boq loxlez, boiq roq gyong laz nauz doenghgiy yozgi neix, ciengzmienh nauhyied

hoenghhd; betyaem ciengzfaenz dwg boq dig ngod yienz caeuq gij yozgi ndaekndek iqmbaeu haenx yienj-ndaek, boiq sing bouxvunz yienj-ciengq, giy yiengh de mbaeumbet biuyeg, gyaunde yinxvunz. Gij go boq ndaek de dwg daj diuh citheiq caeuq fwen ndawbiengz Bouxcuengh senjaeu, gungh miz cien lai souj baenzlai. Aen sigij gonq 90 nienzdaih satbyai, Yunghningz laebbaenz le aen doihbetyaem Bouxcuengh miz 100 lai vunz ndeu okbae yienjok, baenzneix giy hozdung boqyienj betyaem youq singz mbanj Yunghningz ndaej doigvangq okbae. Riengzlaeng ginggvaq Yunghningz vwnzva bouhmonz bae vatgud、cingjeix、daezsang lai bi le, betyaem Bouxcuengh boqyienj daj caenh cij “boqboq ndaekndaek”, yienjbienq baenz le cungj yisuz biujyienj demgya miz seiq vunz caez roq gyonghung Bouxcuengh、digfouzcongh, caiq boiq miz ram giuhva、aemq bawxmoq、foux vaizcin、fouxgyongrwi、fouxnyaebcaz doenghgiy biujyienj fungcingz Bouxcuengh, daegsaek minzczuz naekgyw ndeu.

Betyaem Bouxcuengh youq Yunghningz Gih miz goekdaej vunz-lai gvangqlangh, Bujmyau、Nazlaeu、Sinhyangh、Cunghhoz doenghgiy



▲ Sing loxlez sing dig-fouzcongh haprwenz Mbanj-cuengh



▲ Doih Betyaem Mehmbwk Nazlu Cunh “boq” ok mingz-daeuz ndei.